



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **R. P. Lvdovici De Ponte, Societatis Iesv, Meditationvm De Praecipvis Fidei Nostrae Mysteriis**

Vitae Ac Passionis D. N. Iesv Christi; B.V. Mariae, & aliquorum Sanctorum  
Qvae Historiam Complectitur vniuersæ Paßionis Dominicæ

**Puente, Luis de la**

**Coloniae, 1614**

Med. 27. De Colapho, & remissione ad Caipham.

[urn:nbn:de:hbz:466:1-54653](https://nbn-resolving.org/urn:nbn:de:hbz:466:1-54653)

rum fidelitate potuerit gloriari: imò (vt quidam meditantur) quòd Iudas adesset, qui & pactam pecuniam; quæ ad Annam, vt soluere-  
 tur, remissa erat, expectaret; & pro ipsius discipulo, etsi infelicissimo, agnosceretur; suaq;  
 illa infausta præsentia multum Magistro detraheret: quod totum non parum ipsum Saluatorem cruciabat. O magister amantissime, ne quæso permittas me ab ea fidelitate degenerare, quam tibi vt fidelis discipulus debeo, *me b coram Patre tuo & Angelis eius erubescas* me, eum esse, *confiteri*, Amen.

Ita Cyr. lib. 11. c. 37.

b Luc. 9. 26.

MEDITATIO XXVII.

DE ALAPA CHRISTO DATA,  
 & eius ad Caipham missionem.

PUNCTVM I.



NVS abstens ministrorum dedit alapam IESV, dicens: sic respondens Pontifici?

Ioan. 18. 22.

PERCVSSIO & alapa hæc, fuit prima iniuria Christo, apud Annam Pontificem, ab eius ministris illata, adeoque insolens, vt S. Ioan. non putauerit silendam; sed singulariter exprimendam, quatuor habuit circumstantias.

I. PRIMAM, quod fuerit crudelis data, ab irato satellite; & animo ulciscendi iniuriam Domino suo, ut ipse iudicabat, illatam; & etiam via, eiusdem sui Domini voluntatem ad se arrendi; ac circumstantibus placendi.

II. SECUNDAM, quod valde fuerit ignominiosa, utpote in tot nobilium & gravium virorum praesentia tali homini data, qui usque fuerat venerationi & honori omnibus de cuius vultu talis splendor emicabat, ut non perturbato animo eum aspicientes, ad reverentiam permoveret.

III. TERTIAM, quod fuerit omnino iniusta, utpote intuitu vindictae, & ad calumniosam improbandam responsionem prudentissimam, data à temerè iudicante, eam fuisse minus civile; & contra auctoritatem Pontifici debitam.

IV. QUARTAM, quod fuerit ab omnibus praesentibus approbata; nemine pro Christo respondente; nec scelestissimi illius furorem reprehendente: ideoque via aperta fuit, ut alij eius exemplum secuti, simile quid accerterent. Aspicite itaque anima mea Saluatoris tui venerandam illam faciem, furenti illo satellite ictu percussam: roseo rubore, ob naturalem pudorem, suffusam, ob gravem adeo acceptam iniuriam; & erubescens torum ob circumstantium inimicorum exultationem & cachinnos: erga quem compassionis affectum

b. 1. Pet. 1. 12. concipe, dum colophizatum vides eum, hunc quem desiderant Angeli prospicere! O fili Dei vivi, c splendor gloria, & figura substantia eius.



II.

SED & hic illud perpendendum, eundem Christum Dominum; qui aliàs optimè nouit & tacere & dissimulare sannas, nunc mansuetissimè quidem, sed voluisse tamen rationem sui reddere, ne putaretur iniuria Pontificem afficere; eademq; opera offensorem suum corrigere; quò suum ille peccatum agnosceret, dicens illi: *Si malè locutus sum, testimonium perhibe de malo*; priùs quàm me castiges; cum non tu iudex sis, sed testis; *sin autem bene, cur me cadis*, contra fas, meq; notas quasi inciuile & irreuerentem? Quæ ratio, cum re ipsa conuinceret, non tamen admissa fuit, nec illius aliqua ratio habita, vt aliquid pro ipso valeret, vt ego hinc discam, patienter ferre, si quando meæ rationes non audientur, nec admittentur; sed contemnentur potiùs. O IESU amantissime, cui familiarissimum fuit, benè semper loqui & *in cuius ore non inuentus est dolus, & multò minus mendacium*; & de quo verissimè scriptum est: *e Nunquam sic locutus est homo*. Gratias tibi ob iniurias doloresq;, quibus benè loquens afficeris, in poenam culparum mearum, quas malè loquens admisi: concede mihi, quæso, semper loqui, quæ tibi sunt grata; etiam si eadem sint hominibus ingrata, quorum propterea calumnias sim subiturus.

1. Pet. 2. 22  
c. Ioa. 7. 46.

## PUNCTVM III.

**M**ISIT a *Annas IESVM ligatum ad Caipham Pontificem.* a Ioan. 18. 24.

PERPENDENDA hic primùm est resolutio siue decretum Annæ & Seniorum, qui cum illo erant, vt CHRISTVS Dominus ad Caipham duceretur, qui Pontifex erat legitimusq; iudex huiusmodi causarum, ad quem hac de causa conuenerant Sacerdotes, Pharisæi, & alij Seniores, quò simul omnes hanc tractarent. Ait verò Euangelista, quòd Annas ligatum miserit, videlicet tanquam reum: & fortè secundo illum ligari iussit, duplicantes eius vincula, ne aut euaderet ipse, aut alij è manibus ducentium eriperent, ed quòd per mediam ciuitatem deducendus esset. O mansuetissime agne, cuius charitas, etsi fortiùs ligatus à primo hoc concilio exeas, ad secundum deducendus; non propterea est imminuta; potius eadem te stringit premitq;e amplius recentibus patiendi desiderijs, vt illi à grauissimis culpis suis liberentur, qui te crudelibus adeo funibus ligant. Auge in me, Domine, labores; modò simul augeas, eos ferendi desiderium & amorem.

DEINDE perpendenda est defatigatio & angustia eiusdem Christi Domini, in secundo hoc itinere: cum per mediam ciuitatem, festinanter, & militum ac ministrorum clamoribus duceretur: multa turba prodeunte ex do-

I.

II.

domibus suis, vt viderent, quid tanti clamores & tali hora sibi vellent: quorum multi ad milites sese adiunxerint, vt eos iuarent, iniurias Christo inferre, immemores beneficiorum, quæ ab eo antea accepissent: Ipso interim benignissimo Domino, nihil vel de pace sua, vel de charitate in eosdem remittente; sed sese offerente ad patiendum iniurias à multis, pro salute omnium. Quamobrem dignus omnino est, qui ab omnibus per infinita secula, glori- ficetur. Amen.

MEDITATIO XXVIII.  
DE TRIPLICI S. PETRI  
negatione.

PUNCTVM I.

a Matt. 26.

58.

a Marc. 14.

54.

a Luc. 22.

54.

b Ioan. 18. 15



OSTQVAM discipuli fugissent a Petrus sequebatur IESVM longe. b & alius discipulus. (S. Ioannes) qui erat notus Pontifici, & introiit cum IESV in atrium Pontificis: & ingressus etiam postea Petrus, accedens ad alios ministros, calefaciebat se, quia frigus erat.

PERPENDE, per quos gradus peruenit Petrus ad negandum Christum, vt in alieno capite accipiens experimentum, cautior evadas, & pericula fugere discas.

PRI.